

**VII KONFERENCIJA PARLAMENTARNIH KOMISIJA ZA
EVROPSKE INTEGRACIJE ZEMALJA OBUHVAĆENIH PROCESOM
STABILIZACIJE I PRIDRUŽIVANJA
JUGOISTOČNE EVROPE
(COSAP)**

Sarajevo, 22. marta 2013.

ZAJEDNIČKA IZJAVA

Sedma Konferencija parlamentarnih komisija za evropske integracije zemalja obuhvaćenih procesom stabilizacije i pridruživanja jugoistočne Evrope (COSAP) organizovana je u Sarajevu na poziv Parlamentarne skupštine Bosne i Hercegovine.

Sudjelovali su članovi parlamentarnih komisija za evropske integracije iz Albanije, Bosne i Hercegovine, Crne Gore, Republike Hrvatske, Republike Makedonije i Republike Srbije.

Kao gosti prisustvovali su članovi Komisije za evropske integracije Velike narodne skupštine Republike Turske i Komisije za evropske integracije Parlamenta Kosovo*.

U okviru razmjene mišljenja koja se odnose na Proces stabilizacije i pridruživanja, program učlanjivanja u Evropsku uniju zemalja u Procesu, kao i proces proširenja EU, učesnici VII konferencije COSAP-a u Sarajevu:

1. Pozdravljaju jasne i nedvosmislene službene političke odluke i izjave institucija Evropske unije o daljnjem proširenju, kojim se održava dinamiku procesa proširenje kao načina osiguranja mira i stabilnosti i pokazuju da je proširenje i dalje vjerodostojna politika koju podržava javnost kako u EU, tako i u državama kandidatima i potencijalnim kandidatima;
2. Odlučno okrenuti perspektivi članstva u Evropskoj uniji, izražavaju jasno opredjeljenje za provođenje neophodnih reformi i stvaranje uslova koji će osigurati uspjeh pristupanja EU i poboljšanje životnog standarda građana naših država;
3. Saglasni su da agenda evropskih integracije značajno doprinosi jačanju regionalne i prekogranične saradnje, promovisanju klime međusobnog poštivanja i dobrosusjedskih odnosa kao preduslova za stabilnost i kao načina da se olakša istinsko i trajno pomirenje u regionu. Ponavljaju punu podršku Vijeću za regionalnu saradnju u promicanju i unapređenju regionalne saradnje kao bitnog elementa Procesu stabilizacije i pridruživanja.

* Ova oznaka ne prejudicira stavove o statusu, te je u skladu s Rezolucijom Vijeća sigurnosti UN 1244/99 i mišljenjem Međunarodnog suda pravde (ICJ) o Deklaraciji o nezavisnosti Kosova.

4. Obzirom na iskustva u zemljama kandidatima i potencijalnim kandidatima sa transformacionom snagom procesa EU integrisanja, podržavaju novu praksu EU da se u pregovorima o proširenju glavni akcent stavi na pitanja pravde i vladavine prava;
5. Izražavaju punu podršku i saglasnost sa ocjenama u Rezoluciji evropskog parlamenta u vezi proširenja (22.11.2012.) kojom se snažno podržava proces proširenja, podsjeća na važnost ispunjavanja obaveza i najavljuju novi vidovi podrške državama u njihovom nastojanju da ispune kriterije za pristupanje EU;
6. Ističu da postizanje održivog ekonomskog oporavka predstavlja glavni izazov u državama koje su u procesu pridruživanja i pozivaju Evropsku komisiju da pomogne u rješavanju problema nezaposlenosti i socijalnih pitanja, između ostalog, kroz IPA programe i većim korištenjem Investicionog okvira za Zapadni balkan (WBIF) za razvoj transportne infrastrukture, energetskog sektora, malih i srednjih preduzeća i dr.;
7. Podržavaju novi koncept pretpristupne pomoći (IPA II) koji otklanja razlike među državama na osnovu njihovog kandidatskog statusa i omogućava da više zemalja pristupi fondovima, posebno namjenjenih za socio-ekonomski razvitak;
8. Podržavaju zahtjeve da Evropska komisija pojednostavi administrativnu proceduru i smanji troškove za IPA finansiranje;
9. Naglašavaju važnost saradnje antikorupcijskih tijela svih naših država, budući da je borba protiv korupcije i organiziranog kriminala od vitalnog značaja za proces pristupanja;
10. Čestitaju Republici Hrvatskoj ulazak u Evropsku uniju 1. jula 2013. godine, ocjenjujući da je taj uspjeh ujedno i uspjeh procesa stabilizacije i pridruživanja Jugoistočne Evrope i Crnoj Gori na otvaranju pregovaračkog procesa, što predstavlja svojevrsan podsticaj politici proširenja na Zapadni Balkan i ohrabrenje zemljama regiona da nastave put ka punopravnom članstvu u Evropsku uniju.
11. Ponovno pozivaju Regionalni sekretarijat za parlamentarnu saradnju jugoistočne Evrope da posreduje kako bi se, kao gosti, u rad COSAC-a uključile komisije obuhvaćene COSAP-om.
12. Ponovo naglašavaju punu podršku projektu: "Parlamentarna saradnja na Zapadnom Balkanu i Turskoj i podrška Cetinjskom parlamentarnom forumu", koji je RCC pripremio u okviru višekorisničkog IPA fonda. Očekuju da će projekat pružiti konkretan doprinos izgradnji kapaciteta nacionalnih parlamenata a primarno komisija za evropske integracije.
Pozivaju relevantne strukture Komisije EU da ubrzaju tehničke procedure kako bi projekat počeo što je prije moguće.
13. Pozdravljaju korake preduzete na uspostavljanju arhive COSAP-a, uključujući sve glavne dokumente nastale tokom aktivnosti koje su preduzeli Parlamentarna skupština Bosne i Hercegovine i Vijeće za regionalnu saradnju, te poziva sljedeće zemlje predsjedavajuće COSAP-om da nastave s ovim poduhvatom.

14. Zahvaljujemo Parlamentarnoj skupštini Bosne i Hercegovine kao organizatoru i domaćinu VII COSAP-a i izražavamo punu podršku narednom predsjedavajućem COSAP-a – Skupštini Republike Makedonije.